

Headlines

1. जम्मू-कश्मीर क्रिकेट टीम नै अपना पैहला-पैहला रणजी ट्रॉफी खताब जितियै इतिहास रची दिता ऐ। मुखमंत्री उमर अब्दुल्ला होरें खडढारियें ते सहयोगी अमले गी 2 करोड़ रुपें दा नकद ईनाम देने दी घोषणा कीती।
2. जम्मू-कश्मीर टीम दी ऐतिहासिक रणजी ट्रॉफी जित दे बाद पूरे केन्द्र शासत प्रदेश च जशन मनाया जा'रदा ऐ। उपराज्यपाल- मुखमंत्री- उपमुखमंत्री ते मंत्रियें सनें आई.सी.सी. चेरमैन होरें बी जम्मू-कश्मीर दी टीम गी जित पर मुबारकबाद दिती।
3. उपराज्यपाल मनोज सिन्हा होरें जम्मू च सिक्ख क्रिकेट प्रीमियर लीग दे दुए संस्करण दा उदघाटन कीता। उनें खेड्डे च नौजवानें दी भागीदारी पर जोर पाया।
4. मुखमंत्री उमर अब्दुल्ला होरें आखेआ जे जम्मू-कश्मीर हर रुतै आला वैश्विक सैलसफा केन्द्र बनने लेई अग्रसर ऐ।
5. जम्मू खिते दे बक्ख-बक्ख जिलें च राष्ट्रव्यापी एच.पी.वी. टीकाकरण शुरु कीता गेआ।

<><><><><><>

Ranji Final

जम्मू-कश्मीर क्रिकेट टीम नै अज्ज कर्नाटक खलाफ फाइनल मैच ड़ा खेड्डने दे बाद पैहली पारी दी बढ़त दे आधार पर अपना पैहला-पैहला रणजी ट्रॉफी खिताब जितियै इतिहास रची दिता ऐ। कल्लै दा खेड्ड मुक्कने तोड़ी जम्मू-कश्मीर नै कुल 4 सौ सत्तर रन्जें दी बढ़त बनाई लैती ही। दुई पारी च 4 विकेटे दे नुकसान पर इक सौ छयासी रन्जे कोला अज्ज अग्गे खेड्डदे होई अज्ज कामरान इकबाल ते साहिल लोत्रा दवै खडढारियें अपने-अपने शतक पूरे करदे होई कर्नाटक खलाफ कुल 6 सौ तेती रन्जें दी बढ़त हासल करी लैती दिती ही- जिस्सलै दवै कप्तान मैच

खत्म करने पर राजी होई गे- उसलै जम्मू-कश्मीर नै 4 विकटें दे नुकसान पर 3 सौ बताली रन्ज बनाई लेदे हे। जम्मू-कश्मीर दी टीम गी रणजी ट्रॉफी च ऐतिहासिक जित हासल करने पर मुबारकबाद दिंदे होई मुखमंत्री उमर अब्दुल्ला होरें खड्गारियें ते सहयोगी अमले गी नकद 2 करोड़ रपे ईनाम देने दी घोषणा कीती।

<><><><><><>

Victory Celebration

तोंआई जम्मू-कश्मीर दी इस ऐतिहासिक जित दा जश्न मनांदे होई पूरे जम्मू-कश्मीर च अज्ज खुशी ते उत्साह दी लैहर द्रौड़ी पेई। स्कूली बच्चें ते नौजवानें जम्मू-कश्मीर क्रिकेट एसोसिएशन दे दफतर च किट्ठे होइयै इस ऐतिहासिक उपलब्धि दा जश्न मनाया। इन्ना गै नेंई लोकें ढोल बजांदे होई नाच-गाना कीता ते इक-दुए गी मठाइयां बी बंडिया। आकाशवाणी समाचार कन्नै गल्ल करदे होई क्रिकेट प्रेमियें आखेआ जे अज्जै दा ध्याड़ा जम्मू-कश्मीर दे इतिहास च स्नैहरे अक्खरे च लिखआ जाहग- कीजे जम्मू-कश्मीर दी टीम आसेया दर्ज कीती गेदी इस चाल्ली दी पैहली बड्डी जित ऐ।

तोंआई उपराज्यपाल मनोज सिन्हा- मुखमंत्री उमर अब्दुल्ला-उपमुखमंत्री सुरिन्दर चौधरी- मंत्री सतीश शर्मा ते स्कीना इत्तू सनें अंतराष्ट्रीय क्रिकेट परिषद दे अध्यक्ष Jay शाह होरें जम्मू-कश्मीर दी टीम गी रणजी ट्रॉफी च ऐतिहासिक जित हासल करने पर मुबारकबाद दिती ऐ।

<><><><><><>

LG-SCPL

उपराज्यपाल मनोज सिन्हा होरें अज्ज जम्मू युनिवर्सिटी दे क्रिकेट ग्राउंड च सिक्ख क्रिकेट प्रीमियर लीग दे दुए संस्करण दा उदघाटन कीता। मुक्ख परौहने दे तौरा पर उदघाटनी समारोह च शिरकत करदे होई एल.जी होरें इस मौके पर किट्ठे गी सम्बोधित बी कीता। अपने सम्बोधन च एल.जी होरें नौजवेनं च खेड्ढ भावना जगाने ते रली-मिलियै अग्गे बधने दे महत्व पर लौऽ पाई।

इस प्रतियोगिता च बक्ख-बक्ख जिलें दियां केंई टीमा हिस्सा लै' करदियां न-जेहदा आयोजन जमीनी स्तह पर हुनर गी बढ़ावा देने दे मकसद कन्ने कीता जा'रदा ऐ। इस क्रिकेट प्रीमियर लीग दा मकसद पूरे इलाके दे नौजवानें च एकता ते भाईचारें दी भावना दे कन्नो-कन्नी खेड्ढें गी जिमी स्तह पर बढ़ावा देना बी ऐ।

<><><><><><>

Youth Parl –Udh

उधमपुर च जागतें दे सरकारी डिग्री कालेज च अज्ज जिला स्तह दे “विकसित भारत युवा संवाद” दा आयोजन कीता गेआ- जेहदा विषय हा- “एमरजेंसी दे 50 बरे- भारती लोकतंत्र लेई इक पाठ”। “विकसित भारत युवा संवाद” नौजवानें दी वाज़ लेई इक मंच दा कम्म करदा ऐ- जेहदे राहें ओह राश्ट्री चर्चाएं च शामिल होई सकदे न ते भारत गी 2047 तगर विकसित मुल्ख बनाने लेई नजरिएं गी आकार देई सकदे न। इस कार्यक्रम दे शुरुआती सत्र दा उदघाटन उधमपुर वेस्ट थमां विधायक पवन कुमार गुप्ता ते “मेरा युवा भारत” उधमपुर दे डिप्टी डायरेक्टर कुशल गुप्ता होरें कीता। अज्जै थमां शुरु होए दे जिला स्तह दे इस कार्यक्रम लेई Screening कमेटी आसेया डेढ़ सौ प्रतिभागियें दी ताल कीती गई।

<><><><><><>

CM -JK Tourism

मुख्यमंत्री उमर अब्दुल्ला होंरें आखेआ ऐ जे इक नमें विश्वास- बेहतर ढांचागत सुविधाएं ते सैलसफा लेई बन-सबन्नी सहूलतें दी मदद कन्ने जम्मू-कश्मीर इक बारी परतियै 12 महीने सैलसफा लेई माफक थाहर दे रूपै च त्यार होआ रदा ऐ। आकाशवाणी दे जम्मू संवाददाता नै जानकारी दिती ऐ जे एह गल्ल मुख्यमंत्री होंरें नर्मी दिल्ली च बड्डे कार्यक्रम गी सम्बोधित करदे होई आकखी- जेहदे च केन्द्री सैलसफा मंत्री गजेन्द्र सिंह शेखावत- केंई संगठनं दे प्रतिनिधि- सैलसफा ते खातर- तवज्जो ते एहदे कन्ने जुड़े दे बकख-बकख क्षेत्रं दे हितधारक बी मजूद हे। जम्मू-कश्मीर दी अध्यात्मिक सगगोसारता- खूबसूरत कुदरती नजारे ते निग्गर सांस्कृतिक विरासत गी उजागर करदे होई मुख्यमंत्री होंरें आखेआ जे जम्मू-कश्मीर ना छड़ा भारत- सगुआ दुनिया भरै दे सैलानियें दा दिल खोलियै सुआगत करदा ऐ।

<><><><><><>

HPV Drive

राश्ट्रव्यापी ह्यूमन पैपिल्लोमा वायरस जिसी HPV वैक्सीनेशन दे नां कन्ने जानेया जा'रदा ऐ- आहला अभियान जम्मू प्रांतै दे सबनं जिलें च बी शुरु होई गेआ ऐ। इस पैहल दा मकसद किशोर उमी दियें बच्चियें गी एहकड़ा टीका लाइयै उनेंगी सरवाईकल कैंसर ते HPV- सरबंधी बमारियें कोला सुरक्षा प्रदान करना ऐ। उधमपुर जिले च टीकारण अभियान दा औपचारिक तौरा पर उदघाटन सरकारी मैडिकल कालेज च जिला विकास कमीशनर मिंगा शेरपा होंरें कीता।

तोंआई पुंछ च एहदी शुरुआत ADC ताहिर मुस्तफा मलिक होंरें राजा सुखदेव सिंह अस्पतालै च कीती।

<><><><><><>

Sheep Husbandry Ramban

भिड्ड पालन मैहकमा रामबन जिले दिये सबने भिड्डे- बकरिये- सुरे ते दुधारु पशुएं गी राष्ट्रीय पशु रोग नियंत्रण कार्यक्रम NADCP तैहत टीकाकरण राएं बमारिये कोला सुरक्षत रखने लेई तेजिया कन्ने कम्म करा करदा ऐ। इस कार्यक्रम दा मकसद टकोहदा करिये पशुएं गी उ'ने बमारिये कोला बचाना ऐ- जिंदे कारण भिड्ड बकरियां ते होर दुधारु पशु दुद्ध घटाई दिंदे न ते उंदी नरुल बुद्धि च बी दिक्कत पेश औंदी ऐ- जेहदे नतीजे च करसाने ते पशुपालके गी आर्थिक नुक्सान दा सामना करना पौंदा ऐ। अधिकारिये दा आखना ऐ जे इस कार्यक्रम दी कामयाब अलमावरी कन्ने घरेलू पशुधन उत्पादन च बाददा होग- दुद्ध दी पैदावार बधोग ते करसाने- पशुपालके दी औंदन च बाददा होग। आकाशवाणी समाचार कन्ने गल्ल करदे होई जिला पशुपालके दी औंदन च बाददा होग।

<><><><><><>